



14396

III

Mss. S. B.

P.

Katalog

Ephraem


Smolukowski Joan. fac. Censur virtutis et sapientiae theologice honor ad merita D.  
m. Mathaei Kolendowii - aeternati solimus.

PANEG. et VITAE

Polon. Fol.

№ 439.







CENSUS  
Virtutis & Sapientiæ  
THEOLOGICUS HONOR,

Ad merita

*Perillustris Clarissimi & Admodum Reverendi Domini*

D.M. MATTHÆI  
KOLENDOWIC,

S. Theologiæ Licentiati & Professoris, COLLEGÆ Majoris, Ecclesiarum  
Collegiatae S. FLORIANI Clepardiae CVSTODIS, Parochialis Zebrzyd-  
vienſis PRÆPOSITI, Contubernij Philosophorum PROVVISORIS,

ÆSTIMATISSIMUS,

dum à

*Perillustri & Reverendissimo Domino*

D.M. MARTINO  
WALESZYNSKI,

S. Theologiæ Doctore & Professore Eiusdem Facultatis Decano,  
Collegij Majoris SENIORE PATRE, Ecclesiarum Cathedralis Cra-  
coviensis CANONICO, Montis S. GEORGII in Scepusio & Præ-  
mykoviensis PRÆPOSITO, Contubernij Hierozolymitani PROVI-  
SORE, Canonizationis B. JOANNIS CANTIJ PROCVRATORE,  
Librorum per Diœcesim Cracoviensem Ordinario CENSORE, Stu-  
dij Generalis Universitatis Cracoviensis PROCANCELLARIO.

Sacrae Theologiæ DOCTOR,

*Præsente Magnorum Hospitum, ac Senatûs Academici Corona,*

In Ecclesia Collegiata S. ANNÆ ritu solenni renunciaretur;

*Applaudentis calami obsequiò,*

M. IOANNIS IACOBI SMOLVKOWSKI, Philosophiæ Doctoris & Profes-  
soris, Collegæ Minoris Vocati, Contubernij Philosophorum Senioris,

*Luci publicæ*

PRÆSENTATUS.

*Anno Domini 1732. Die 30. mensis Septembris.*

CRACOVIAE Typis VNIVERSITATIS.



C E N S V S  
Virtutis & Sapientiæ  
THEOLOGICUS HONOR,  
Ad merita  
ÆSTIMATISSIMUS.



Extra orbis peripheriam nitere penna,  
in tam angusta Orbis periodo si nequis,  
augustum Virtuti & Sapientiæ pretium  
testibus inscribere chartis,  
unà cum Columbo novi repertore Orbis  
alterum tenta involare.

Nec incongruum erit,  
si etiam in clausis terræ venis  
justum virtuti pretium assignabis.

Nam

*Nihil sublime in humili loco natura reposuit,  
Nil pretiosum communi obtrusit pupillæ,  
illa solummodò quæ abiecta sunt,  
objecta esse voluit,  
Quæ cor & oculos venantur,  
Vel ab oculis expulit,*

Vel



Vel

*In abditis terræ visceribus conservavit.*

Sic scabrosos lapides pedibus ubiq; offendere poteris,

At nobiliores gemmas  
nonnisi in profundissimo Neptuni sinu reperies.

*Despectæ utiq; ranarum squammæ qualibet progenerantur palude*

*conchas, nisi Erithreæ parturiunt aquæ.*

Ferreum in domestico solo habetur metallum,

aurum qui exhamare voluerit?

Arabicis utatur ligonibus,

est necesse.

In his

si accumulati æris observas conditoria,

sola opinione humana pretiosa crede.

Citra omnem comparationem.

*Præstantiorem thesaurum in animis sapientum reposuit eruditio,*

*quam in facultatibus fortuna divitum.*

Hinc

ut Luna sereno nitore minores confundit stellas,

sic splendidus Virtutis fulgor

omnem radiantis auri obtenebrat claritatem.

Pallescent utiq; gemmæ ad probitatis candorem,

fulvosq; auri radios præclara obfuscat virtus,

adeo;

ut nec æquorea conchilia, nec Lydij pumices

tale sibi pretium vendicare possint,

quale virtutis extorquet decus.

Obscurum est è terræ cavernis effossum aurum,

licet in Regum & Monarcharum rutilet diadematis,

ni præstantissimo fulguret & fulgeat virtutis unione.

Pretiosiores Orbem faciunt,



Qui erudita fronte grandinant sudoris gemmas,  
quàm aureus Iovis imber aut gemmea grando.

Hic utiq; fortunatissimus Policrates,  
qui non fortunæ, ast sapientiæ annulô subarrhatur.

Hic toto dives Orbe,  
qui non in Oceano, sed intra foliorum margines,  
pretiosas eruditionis piscatur gemmas.

Nam

Auream nitore mens prætergressa gazam,  
nullum sui in communi mundo habet pretium,  
ni illud in alio sapientiæ Orbe sortiatur.

Tale pretium Virtuti & Sapientiæ Tuæ conveniens habes,  
*Perillustis Clarissime & Admodum Reverende Domine*

Neo Doctor;

Qui non divite tumescentis saburra Pactoli  
non aureis cum Tymotheo piscatus retibus  
sed deciduis sudorum unionibus  
à prima vitæ aurora emendicare capisti.  
Prodidit se statim ab ipsis juventæ annis Tua virtus,  
ipsasq; cunas optimo spei sæcundavit rore,  
Ut quidquid ad prodigium omnium acturus Vireras,  
tenerrima secuturæ ætati prælucebat infantia.

Et benè

à purpureo enim rubentis Phosphori ortu  
pretiosas aureo jubare diei metimur horas,

à sereno evigilantis Phæbi risu

nullis asperandum nubium rugis ominamur meridiem;  
ita ex primo infantilis Tuæ ætatis flore,  
futuræ vitæ optimè quisq; colligebat fructus.

Nil



Nil enim in Te Pusione pusillum, præter ætatem videre licuit,  
Ipsa minuti ac elegantis vultus majestas  
magni fuerat index animi,  
profunda speculatione tenerior defixa pupilla,  
maximis intentum negotiis testabatur ingenium.  
Vix Academico accessisti Lycæo,  
forsitan parùm ab ubere fuxisti lactis,  
quia tanta totus fervens orexi,  
ut nonnisi Castalijs possit mitigari fontibûs.  
Inter còetaneos Athletas virtutis senio gloriosior,  
& quæ alijs

tantùm sudoribus immortales vendunt Superi,  
Tibi ultro donasse credebantur.

*Ita scilicet studij in adolescentia ostendunt,*

*quæ sapientiæ maturitas sit futura.*

*& in flore ætatis ulterioris virtutis prænoscur fructus.*

A Musis Novodvorscianis  
in publicam Philosophorum arenam descendens,  
quidquid egisti, semper publicum merebatur plausum.  
Nunquam laboris jugo submissam emancipasti cervicem,  
semper operoso sudoris remum immerfisti salo,  
ut eodem Jafone felicior,  
non Colchicum vellus, sed honoris promontorium adnatares,  
bene gnarus

*dura experimenta magnæ fortunæ esse præludia,*

*& nonnisi per laboris Fanum esse aditum ad honorem.*

*Sic natura quæ pretiosa sunt asperioribus involvit,*

*rosam spinis, aurum rupibus, unionem conchæ,*

*non ut prohibeat invida, sed ne det,*

B

nisi



nisi meritis.

Talem te Academica videndo Pallas,  
qui arenam Philosophicam tuo sudore fecisti madidam,  
ut eò fertilior in laurearum messem pullularet;  
dum Te utraq; coronavit Laureâ.

Intumuerant quidem illæ,  
quia tantum potuerint coronare Caput,  
quod aurum optimum singuli paradoxum fatebantur.  
Verùm

ut Phæbus lucem, concha gemmas, non sibi, sed alijs,  
ita Tu

aureum ingenium plurimis tribuere visus,  
dum in Novodvorsciano Collegio  
quot melleo ab ore pandebas verba,  
certè singula, singulis digna unionibûs.

Imò  
ita Regni Aquilas Scholastico admovebas Phæbo,  
ut facilè in omnium affectus involares,  
ita omnium corda admirandâ trahebas eloquentiâ,  
ut magnes animorum credi potuisses.

Nec mirum  
pro verbis enim locutus gemmas  
prope Oratorum Coronis & miraculum,  
mellitas ab ore proferendo Hyblas  
quasi dulcem apum lingua portaret Patriam.  
Pendebat ab ore hoc ceu apis à suaviore esca

*Illustrissimus & Excellentissimus Dominus*

J O S E P H U S

Comes



COMES in Teczyn

OSSOLINSKI,

CAPITANEUS Sandomiriensis.

Certè non parca manu hanc compsit natura Indolem,  
nec Charites quidpiam reliquum habuisse credo,  
quod Illi dotali munere non indulserint.

Nihil enim

in aperto frontis videre licuit speculo,  
quod ad perfectam virtutis deesset imaginem.

Plura à Te magno Chirone nactus,  
quìa plena sapientiæ auctus Iliade,

In cuius aureo Capite

velut in Parnassi vertice novem consedère Musæ,  
non una absq; vulnere Pallas prodiisse visa,  
dum inter Senatores Lycurgum, in Consilijs Apollinē  
non verba fundentem, sed oracula,

Lechicus toties observavit Orbis.

Parem eruditionis traxit copiam,  
Illustrium Familiarum clara Progenies

Grodzicciorum Indoles,

à Tuo felici ingenio

velut ex aurifodina scientiarum aurea prodière Capita,  
quorum si in consilijs gravitatem, in propugnanda libertate  
Constantiam, in gestis dignitatibus authoritatem,  
levis in paginam transferret calamus,  
prius tanto oneri succumberet impar.

Documento mihi est

*Perillustri & Reverendissimus Dominus*



D. J O S E P H U S  
*De Domaszewice & Grodzisko*  
G R O D Z I C K I,

Canonicus Cracoviensis,  
Ternarum Vavelli Coronarum inæstimabilis Gemma,  
qui etiam nunc rapientē se in Ejus elogia calamum,  
sola taciturnitate facundum efficit,  
hanc maximam in fontes Rhetoricos visus injecisse molem,

ut nullus sit,  
qui sub magnitudine laudum Ejus  
hæsisse non cogatur.

Ipsa enim admiranda sublimitas ingenij,  
quod in Cracoviēsi Athenæo arenâ polivit scholastica,  
omnium hebetat ingenia,  
ut rosam in ore defigat Oratoribus,  
& silentijs altum ponat pessulum.

Testantur & Sisiniāni parietes Contubernij,  
Te suum dignissimum Seniore,  
vivum pietatis & laboris exemplar fuisse;  
testantur quoties insomnes duxisti noctes,  
ad accensam cum Cleante lucernam pervigil.  
Centoculum Te singuli fatebantur Argum,  
qui uniuscujusq; commodo & sapientiæ providisti,  
dum ad eruditionem Te sine tædio audientium  
pro verbis sive locutus nectar.

Et

licet persæpe Indoli amaræ sint radices artium,  
quamvis dulcissimos sapientiæ progenerent fructus,  
odibiles in scribendo lituræ,  
quam-



quamvis ab ignorantiae limo puras expingat mentes,  
molesta acumina, etsi obtusiores conceptus acuant,  
insipidi sales, etsi optimū insipientibus ingenijs  
instillent condimentum,

à Tuo ore roseo  
semper dulces singuli fatebantur.

Tandem  
unanimi assensu Patrum,  
ad Laureatorum sedem

Collegium inquam vocatus Minus,  
quidquid pro gloria egisti gentis,  
meum excedit calamum.

Singula si intra tenuiores effunderet chartæ margines,  
exundarent, & præ copia rumperentur.

Sed quia

*angusta ingentis animi magnitudo  
unius loci non capitur angustijs,  
nescitq; in parvis latitare terris  
arduo usu stabilita virtus,*

*Nescit in parvis habitare clausi partibus Orbis,  
ideò*

ad Majus non minor meritis assumptus Collegium.

Et benè

melius enim hospitantur gemmæ, si in gemmeo servantur Hydaspe  
svaviore susurro inerrat aurum,  
si in aureo fluctuet Pactolo.

Ita, nullibi melius Tibi majori meritis inquilinum erat agere,  
quàm in Majori Collegio,

C.

qui



qui pridem in animis Majorum, imò & Principum habitasti.

Elucescit id

In Celsissimo Principe,

*Illustrissimo & Excellentissimo Domino,*

D. I O S E P H O

DVCE *in Korzec & Olexieniec*

CZARTORYSKI,

Magni Ducatus Lithvaniæ Vexillifero,

ad Cujus immensitatem gloriæ  
decrefcit fastuosa Macedonum magnitudo;  
Minores statim Roma advertit Maximos,  
fi illi conferantur.

De pari cum Principe Astrorum agit;  
Planetas ille, Hic omnium splendorem extinguit.

Porro

Parva est in Ejus æqualitate magnitudo omnis.

Infra Illius vestigium est,  
quidquid inter prima Capita Orbis celebrat adorator

Sanè

Et Hercules cum clava, & Theseus cum hasta,  
& Achilles cum suo genuflectit arcu;  
quoties cum Illorum annosa gloria in parem descendit arenam.

Cujus ita adhæferas cordi,  
sed ut semper propinquior esses,  
Zebrzydoviensis Ecclesiæ Te Præpositum voluit esse.  
Ingessit se brevi Tuis humeris Decanalis Purpura,  
& jam conchæ gemma, foli radius,

Coro.



Coronæ accessit adamas.

Nunquàm hæc absq; Tuo rubuit sanguine,  
qui eam cruenti sudoris gemmis distinxisti,  
semper ad Palladis in ea pallebas chartas,  
ut illam pro Te non faceres erubescere.

Ex Eurippo Philosophico

omnes eruditionis collegisti gemmas,

ut nullus fuerit,

quem ditiores Cræso non efficeres.

Jagellonica Pallas

stupuit Tuæ excellentiam mentis,  
nullam dari potuisse difficultatem vidit,

quæ Tibi non facilis videretur.

Non tamen hic Tui sudoris finis.

Alias

*Annulatim sibi labores coherent,*

*unusq; trahit alterum.*

*Comitantur se cumulatim conatus,*

*semperq; catenatæ incedunt curæ.*

Verbô

nunquàm solitarius vult esse sudor,

dum unus mox parit alterum.

In Te optimè hoc probatum,

qui plurimis jam laborib9 pressus, non tamè oppressus,

Tyficianum Eloquentiæ ageres Oratorem,

ligasti cunctorum animos disertæ svadæ compedibus,

verborum flore anteeundo Hortensios:

facundas Roscij superando exedras,

Omniem Tullij maiestatem in Te transtulisti,

C2.

cum



cum pleno in aures influebas Hymetto:  
Cornon habere in pectore jam Te ominabantur singuli,  
cum illud in lingua cum amore docendi exhibebas.

Fateor,

abijcerem jam hic calamum,  
si omnium ora adducere possem,  
quos per universum Tuæ Indolis habes laudatores.

Sed

loquantur, si per naturam possunt, ipsæ literæ,  
ex quibus syllabum Tuæ gloriæ collegisti,  
quoties publici præli officinas fatigasti.

In Collegio Novodvorsciano Professor,

Doctorem Angelicum

THOMAM DIVINISSIMUM,

sub Crystalli Titulo adeò Elogijs celebrasti,

ut soli Ejus clarissimum funderes fulgorem.

Ingens præcordijs cordis intulisti gaudium,

*Illustrissimi & Reverendissimi Domini*

D. STANISLAI

De BEZDAN

H O S I J

DEI, & Apostolicæ Sedis gratiâ,  
EPISCOPI CAMENECENSIS,  
NOMINATI POSNANIENSIS.

Cujus Præsuleo Honori Olympia  
Nobiliori emensus metro.

Ligatus ille Tuus stylus  
ita Pontificium cor ligaverat,  
ut id omnibus Tuis desiderijs  
semper solvere sit paratus.  
Ruerent velut agmine facto



in Sarmatiæ viscera coacervati dolores  
post fata

CELSISSIMI PRINCIPIS

*Illustrissimi & Reverendissimi Domini*

D. STANISLAI

à S E V P O W

S Z E M B E K,

DEI, & Apostolicæ Sedis Gratiâ,

ARCHIEPISCOPI GNESNENSIS

*Legati Nati Regni Poloniae & M. D. Lithvaniae*

PRIMATIS, Primiq; PRINCIPIS,  
ni eis.

aciem in acumine doloris Tui opponeres ingenij,  
dum quot verba postumæ Ejus consecrasti gloriæ  
nullum erat, quod non acumine plenum.

Quid dicendum de Magnaliis?

quæ post Coronas & Sceptra primo Orbis Poloni Motori

Celsissimo Principi

*Illustrissimo & Reverendissimo Domino,*

D. THEODORO

à P O T O K

P O T O C K I,

DEI, & Apostolicæ Sedis Gratiâ,

ARCHIEPISCOPO GNESNENSI

Regni Poloniae & Magni Ducatus Lithvaniae

PRIMATI Primoq; PRINCIPIS

ABBATI TYNECENSI,

D.

quæ



quæ sublimi ingenij stylo ad delictum sæculi inscripsisti,  
certè hæc Magnalia magnum testantur ingenium,  
cujus gloria Lechicum implendo Orbem,  
ad margines usq; æquoris Theologici devoluta.

Scrutatrix itaq; Divinæ Majestatis  
Sacra Theologia

explicativum Te Professore vix nacta  
illicò in facillimam mutata doctrinam,  
oculis defixis velut penduli Memnones stupebant attoniti,  
subtilitatem ingenij, claritatem sensûs pariter admirati,  
ut cum AQVINAS præpectore Phæbum

Tu ferre præ ore putareris.

Tantos inter labores Theologicos

Almæ Universitatis Dignissimus

PROCURATOR,

Totus in universalis boni impensus curam  
pro Domo Tua Tacitus, pro omnium perorando.

Funus propriam existimabas vitam  
nisi communi vixisses bono.

Divisisti cor Tuum omnibus & Tibi singuli.

Vivum hujus exemplar  
etsi post funera,

*Perillustris olim & Admodum Reverendus Dominus*

M. FRANCISCUS

MATERSKI,

S. Theologiæ Doctor & Professor

S. FLORIANI Clepardiæ ad Crac: DECANVS,

Eccle-



Ecclesiæ Parochialis Prosovicensis & SS. Apostolorum  
PETRI & PAULI in Cerdonia PRÆPOSITVS,  
Conubernij Philosophorum PROVISO, R,  
qui cum insolitos Cæli inter homines amores invenit,  
non habuit

quid ultra in terris quæreret,  
dum Te ultimæ voluntatis Executorem elegit.  
Perēnat & in animis illorū quia sæculo digna obligatio  
quos Tu Lydius ingeniorum lapis  
ad Regale Sacerdotium Examiner approbasti,  
aut Sacras Encomiastes ingressus Exedras,  
Divinō fecisti ardere entheō,  
singulos in admirationem rapiendo  
ut Te redivivum existimarent Augustinum.

Tantum Præmiatrix laborum,  
**Alma Mater Universitas,**  
iusta meritorum Tuorum accessit æstimatrix,  
in præmium Virtutis & Sapientiæ

**Tibi Matthæo**

censum Honoris Theologici offert.

Fugiebas hunc, magna mereri volens, quàm habere,  
summam eminentiam putans nunquàm eminere,  
ast

*magis nascitur Honor per sui fugam  
obviantibus autem inter amplexus evanescit,  
amat se aversantes, oditq̃ amantes.*

**Utiq;**

sæpe proterviam modestiæ fascibus punit vindex dignitas,  
pedibusq; evitatus plerumq; caput coronat Honor.

**In Te**



quò magis depressam observavit modestiam;  
eò altiùs elevavit.

Cum plaudente itaq; Honori Tuo  
Senatu Academico

applaudit quoq; devinctissimum  
Magno Honori Tuo  
Philosophorum Contubernium,  
quod dum continuis repleas gratijs,  
Alumnorum fortiùs quàm catenæ corda stringis,

*Beneficia enim sunt compedes voluntatum,  
nec est nodosior catena, quàm gratiarum obligatio.*

*Manibus quidem accipiuntur dona  
sed cor accipiunt.*

Hinc

Ex præmissis Tuarum gratiarum  
Conclusionem cum votorum censu inferunt,

ut

Tuæ momenta vitæ distingvas lustris,  
lustra sæculis, sæcula annorum  
Millionibus.





Biblioteka Jagiellońska



stdr0021955



